

# TSEBIŠO YA BOHLOKWA – TIRO YA SEHLOPHA YA SILIKHOSISE LE SEKHUBA SE SEGOLO

**Kwano Tefelo ya Mafelelo ka go tiro ya sehlopha ya Silikhosise le Sekhuba se segolo magareng ga dikhamphani tša meepo tše tshela tšeo di dulago – African Rainbow Minerals, Anglo American SA, AngloGold Ashanti, Gold Fields, Harmony le Sibanye-Stillwater – le boramolao ba bašeki, e dumeletšwe ke Kgorotsheko ya Godimo ya Johannesburg ka la 26 Julae 2019 gomme ya thoma go šoma ka la 10 Desemere 2019 morago ga ge mabaka ka moka a kgotsofaditšwe.**

Dikleime ka moka tšeo di dirilwego kgahlanong le dikhamphani tša meepo yeo e dulago le bangwadišwa ba tšona, tšeo di rotogago go tšwa go goba tšeo di amanago le Silikhosise le Sekhuba se segolo, go akaretša tiro ya sehlopha yeo e thomilego pele ga Kgorotsheko ya Godimo, di lefetšwe ka moka malebana le melao ya Kwano ya Tefelo ya Mafelelo.

O ka no ba le maswanedi a go kleima moputso ge eba:

- o be o le mošomi wa moepo wa gauta magareng ga 12 Matšhe 1965 le 10 Desemere 2019;
- o šomile go o tee goba ye mentši ya Meepo yeo e Loketšwego (lebelela lenaneo mo fase) dinakong tšeo meepo yeo e bego le ya goba e laolwa ke dikhamphani tša meepo yeo e dulago;
- o dirile mošomo woo o tsentšhitšego lerole la selikha; ebile
- o tsenwe ke Silikhosise goba Sekhuba se segolo GOBA o Mofepiwa (mohlala, mosadi, ngwana goba molekani wa tša bophelo) wa mošomi yoo wa moepo wa gauta yoo a hlokofetšego.

**KA KGOPELO BALA TSEBIŠO YE KA TLHOKOMELO BJALO KA GE E KA NO AMA DITOKELO TŠA GAGO.**

**NAA KE MANG YOO A AKAREDITŠWEGO KA GARE GA TEFELO YA MAFELELO?**

Tefelo ya Mafelelo e šoma go maloko ka moka a Sehlopha. O leloko la Sehlopha ge eba o fihlelela dinyakwa ka moka tša sefe goba sefe sa dihlopha tše nne tšeo di latelago:

<b>Sehlopha sa 1:</b>
Batho ka moka:
<ol style="list-style-type: none"><li>bao ka paka ya la 10 Desemere 2019 ba be ba šoma Mošomo wa Kotsi goba pele ga la 10 Desemere 2019 ba šomile Mošomo wa Kotsi. Mošomo wa Kotsi o hlalošwa ka gare ga Molao wa 1973 wa Malwetši a Mošomong Meepong le Mošomo, bjalo ka ge mošomo wo o šomilwego ke motho yoo a tsenwego ke lerole fao tlhakantšho goba go nopela go senyago goba go nago le bokgoni bja go senya, go akaretša go šoma ka fase ga mabu moepong wa gauta;</li> <li>bao ka la 10 Desemere 2019 goba pele ga fao ba bego ba tsenwe goba ba tlile go tsenwa ke Silikhosise goba ba be ba šetše ba tsenwe ke lerole la selikha;</li> <li>bao ba šomago goba ba šomilego Mešoma ya Kotsi mo moepong o tee goba ye mentšhi ya Meepo yeo e Loketšwego (lebelela lenaneo mo fase) morago ga 12 Matšhe 1965; le</li> <li>bao ba sego ba phethagatša ditileleime tša bona mo ditefelong tša mafelelo tšeo di phethilwego nakong yeo e fetilego le Anglo American South Africa Limited le AngloGold Ashanti Limited ka la 14 Matšhe 2016 le Anglo American South Africa Limited ka la 19 Setemere 2013, ka tatelano.</li></ol>
<b>Sehlopha sa 2:</b>
Bafepiwa ba ofe goba ofe wa batho bao ba ngwadilwego ka go Sehlopha sa 1 mo godimo, bao ba hlokofetšego ge re fihla go la 10 Desemere 2019.

<b>Sehlopha sa 3:</b>
Batho ka moka:
<ol style="list-style-type: none"><li>bao ge re fihla go la 10 Desemere 2019 ba be ba šoma, goba pele ga la 10 Desemere 2019 ba šomile, Mošomo wa Kotsi;</li> <li>bao ka la, pele ga la goba morago ga la 10 Desemere 2019 ba tsenwe goba ba šetše ba tsenwe ke Sekhuba se segolo; le</li> <li>bao ba šomago goba ba šomile Mošomo wa Kotsi go o tee goba ye mentši ya Meepo yeo e Loketšwego (lebelela lenaneo mo fase) morago ga la 12 Matšhe 1965.</li></ol>
<b>Sehlopha sa 4:</b>
Bafepiwa ba ofe goba ofe wa batho bao ba ngwadilwego ka go Sehlopha sa 3 mo godimo, bao ba hlokofetšego ge re fihla go la 10 Desemere 2019.

### NAA TIRO YA TEFELO YA MAFELELO KE ENG?

Tshiamiso Trust e thomilwe gore e šomane le melao ya tefelo ya mafelelo le go lefela bašeki ba go ba le maswanedi a diputseletšo tša tšhelete. Bašeki ba go ba le maswanedi ba tla fiwa maatl a go amogela tefelo ya go tla gatee ya magareng ga R10 000 le R250 000, go ya le ka seemo le bošoro bja bolwetši le kgobalo yeo e itemogetšwego ke bašeki bao. Mabakeng a mangwe a šoro, mošeki wa go ba le maswanedi a ka no kgona go amogela setseka s esegolo nyana, go fihla go R500 000.

- Mošeki wa go ba le maswanedi ke motho yoo e lego leloko la sefe goba sefe sa dihlopha tšeo di ngwadilwego mo godimo ebile e le yoo a fihlelelago dinyakwa tša Tshiamiso Trust gore a amogele diputseletšo tša tšhelete.

- Maloko ka moka a sehlopha a ka tliša ebile a mengwa go tliša dikleime go Tshiamiso Trust gore a hwetše putseletšo ya tšhelete, ntle le maloko ao a sehlopha ao a kgethilego go tlogela tefelo ya mafelelo.

- Dintlha tša ka fao o ka tlišago kleime di abilwe mo fase, le go weposaete www.tshiamisotrust.com.

Mabaka ka botlalo a Kwano ya Tefelo ya Mafelelo gammogo le sephetho sa Kgorotsheko seo se dumelelago Kwano ya Tefelo ya Mafelelo se gona godimo ga weposaete www.tshiamisotrust.com goba a ka hwetšwa go tšwa go Tshiamiso Trust (dintlha tša dikgokaganyo mo fase).

**GA GO HLOKEGE GORE O LEFELE EBILE GA SE WA SWANELA GO LEFELA MOTHO OFE GOBA OFE GORE A GO THUŠE GO TLIŠA KLEIME!**

### KA FAO O BEGAGO KLEIME GO TSHIAMISO TRUST:

**TSHEPEDIŠO YA KLEIME:**

Ka kgopelo latela dikgato tše:

- O ka no lekola ge eba dintlha tša gago di godimo ga lenaneo la tshedimošo la Tshiamiso Trust le ge eba o na le kleime ya nnete ka go ya go letlakala le godimo ga weposaete ya tshiamiso Trust ya https://www.tshiamisotrust.com/ tekolo-maemo. Gape o ka no leletša lefelo la megala la Trust go lekola dintlha tša gago le ge eba o na le kleime ya nnete.
- Weposaete ya mo godimo le lefelo la megala di tla go botša gore ke Dingwalwa dife tša go Bobego tšeo o swanetšego go di tliša bjalo ka karolo ya go bega kleime ya gago. Dingwalwa tše di ka no akaretša tše di latelago:
  - khophi ya lengwalo la gago la boitsebišo, phasepoto goba bohlatse bja nomoro ya gago ya mošomedi/ ya intaseteri;
  - ge eba o Mofepiwa (go fa mohlala, mosadi, ngwana goba molekani wa tša bophelo) wa mošomi wa moepo wa gauta yoo a hlokofetšego, khophi ya lengwalo la boitsebišo, phasepoto goba bohlatse bja nomoro ya mošomi/ ya intaseteri ya motho yoo a hlokofetšego;
  - direkhoto tša gago tša ditirelo tša Moepo ofe goba ofe woo o loketšwego (lebelela lenaneo mo fase).
- Mošeki yo mongwe le yo mongwe wa nnete o tla hloka go beeletša peelano ya go bega kleime ya gagwe ka go leletša lefelo la megala la Trust. Go na le diofisi tše 50 tša bobego bja dikleime tšeo di beilwego ka Afrika Borwa le seleteng sa SADC. Lefelo la megala le tla beeletša peelano ya gago ofising ya kgauswikgauswi le fao o dulago. Mošeki yo mongwe le yo mongwe o swanetše go bega kleime ya gagwe ka boyena.
  - Bašeki bao ba dulago ka Afrika Borwa ba ka leletša lefelo la megala la Trust go nomoro ya mahala ya 080 1000 240 gore ba dire peelano ofising ya bobego ya kgauswikgauswi le bona ka Afrika Borwa.

- Bašeki bao ba dulago ka ntle ga Afrika Borwa ba ka leletša mogala go boya morago wa Trust go **00 27 10 500 6186** go dira peelano ofising ya bobego ka nageng ya bo bona. O kgopelwa go hlokomela gore ge o leletša nomoro ye, e tla kwagala go ka re swaregile. Mogala moragonyana o tla wa mme morago motho yo mongwe go tšwa lefelong la megala o tla go leletša morago. Ge go lebeletšwe moabi wa ditirelo tša marangrang a mogala wa gago wa go thwethwa gowa wa ka ntlong, o ka no hloka go ba le eethaeme gore o letše mogala.

O kgopelwa go hlokomela gore lefelo la megala le šoma fela go tloga ka 8mesong go fihla ka 5mathapama, Mošupologo go fihla ka Labohlano. O kgopelwa go letša fela nakong yeo.

4) Ka letšatši la peelano ya gago, o kgopelwa go tla le Dingwalwa ka moka tšeo o nago le tšona tša Bobego ofising ya bobego. Mošomedi wa Bobego bja Dikleime o tla eletša godimo ga seo se ka dirwago malebana le Dingwalwa tša Bobego tšeo di timetšego.

5) Bašeki ka moka ba tla lekolwa ka mokgwa wa payometheri (kgatišo ya menwana bj. bj.) go netefatša boitsebišo bja bona ka botlalo.

6) Ge eba go a nyakega, hlahlobo ya kholego ya kalafo e tla beakanywa. Se le sona se tla ba ka peelano.

7) Morago ga fao kleime ya gago e tla amogelwa ke Sehlopha sa tša Kalafo sa Netefatšo le Komiti ya Trust ya Netefatšo malebana le dikabo tša Trust.

8) Ge e fetša go dumelelwa, putseletšo ka tšhelete yeo e tlogo go wena e tla lefelwa ka gare ga akhaonte yeo e netefaditšwego ya panka malebana le diikabo tša Trust.

## GORE O HWETŠE TSHEDIMOŠO YA TLALELETŠO: Etela www.tshiamisotrust.com

<p><b>DINTLHA TŠA DIKGOKAGANYO TŠA TSHIAMISO TRUST DI RE:</b></p> <p><b>Mogala:</b> Ge eba o dula ka gare ga Afrika Borwa 080 1000 240</p> <p>Ge eba o dula ka ntle ga Afrika Borwa 00 27 10 500 6186</p> <p><b>Imeile:</b> info@tshiamisotrust.com</p> <p><b>Whatsapp:</b> (+27) 87 250 0066</p> <p><b>Weposaete:</b> www.tshiamisotrust.com</p>	
---	---

<b>Meepo yeo e Loketšwego:</b> Nageng ya SA	FreeGold 2 le 4	Vaal Reefs 9 (Kopanang)	Moepo wa Harmony
Daggafontein	Freddies 7 le 9 (go ya go moepo wa Kades Barnea cc, Pamodzi, Target)	Vaal Reefs 10 (Tau Lekoa)	Merriespruit
East Daggafontein	Freegold 2, 4 (Tshepong, Phakisa)	Vaal Reefs 11 (Moab Khotsong)	Hartebeesfontein
Elandsrand	President Brand	Western Deep Levels	Loraine (Mekoti ya 1,2 le wa 3)
Deelkraal (gape o bitšwa Elandskraal)	President Steyn	Mponeng (Moepo wa South WDL 1)	Zandpan
Kusasaletlu	Steyn 1,2 (go ya go Kades Barnea, Pamodzi, Bambanani)	Tau Tona (Moepo wa East WDL 3)	Moepo wa Virginia
Western Holdings (1,2,3,4,6,7) (ARMGold)	Steyn 3,4 (FreeGold 1, morago wa ba Bambanani)	Savuka (Moepo wa West WDL 2)	Village Main Reef
Matjhabeng (Western Holdings le ye mekoti ye mengwe ye 4 ya Kudu, Nyala, Sable, Eland yeo e bego e le mekoti ya Freddies le ya Free State Geduld)	Western Reefs (o kopantšhitšwe le wa Vaal Reefs)	St Helena	Western Areas
Saaiplaas 2,3	Vaal Reefs (1,3,4,5,6,7)	Evander (go akaretša meepo ya Kinross, Leslie, Bracken le wa Winkelhaak)	(go ya go South Deep)
Saaiplaas 4,5 (Masimong) (FreeGold 3)	Vaal Reefs 2	Randfontein Estates	South Deep
Free State Geduld	Vaal Reefs 8 (Great Noligwa)	Doornkop	Beatrix (go akaretša Oryx)
Free State Cons		Cooke 1, 2 le 3 (Rand Uranium)	Oryx (go ya go Beatrix)
		Cooke 4 (Ezulwini)	Driefontein (go akaretša East Driefontein, West Driefontein le Driefontein Cons)
		Unisel	Kloof (go akaretša Leeudoorn go tloga ka la 1 Janaware 1993, Libanon le Venterspos)
			St Helena (karolo ya Belsa)